



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Brevis Synopsis Vitæ, Ac Virtvtvm P. Antonii Ivlii Brignole
E Societate Iesv**

Visconti, Giovanni Maria

Antverpiæ, 1671

Cap. VIII. Humilitas P. Antonii Iulii ordinariè exercita.

urn:nbn:de:hbz:466:1-43372

C A P V T V I I I .

*Humilitas P. Antonii Iulii communiter
ab eo usitata.*

ET ecce sicut virtus præstantior est, cui manum adiutricem porrexit Dei gratia, ita charitas libenter Humilitatem habet sibi comitem & coniunctam. Nec immerito, quoniam videbatur permoveri ad similitudinem parvitatis, & vilitatis propriæ, quam ipse sibi animo non fide impresserat; vere factus ex se ipso parvulus Evangelicus, de quodixit cuidam bono Sacerdoti sæculari, cui erat perquam fidenter familiaris, cum ostenderet se mirari Patrem sibi signa honoris deferre, dareque manum dextram omni conditioni hominum, quantumvis vilium, quin imo pueris egestate pressis. E vestigio enim respondit: *Nisi efficiamini sicut parvuli non intrabitis in regnum cœlorum.* Quodque ipse multum contrahi deberet, si id vellet intrare. Ita ipse apposite. Et vero humilitas fuit

vir-

virtus ipsi tam propria, ut palmam obtineret super omnes ejus alias operaciones, easque transcenderet; licet in illis quæ aliam virtutem concernerent, niteretur continuo ad distinctionem radium humilitatis inter miscere. Illâ universa sua opera & affectus, & habitus, corpus suum, & vultum imbuerat; in quibus omnibus spirabat semper modestissimum sui contemptum, & humillimum sensum; cum esset vir tantis & tam eximiis talentis ornatus, fortunæ, naturæ, & gratiæ, & prorsus admirabilis virtutis, spectatæ simul, & amatæ. Et revera erat ipse venustissimum lumen omnium, qui dotum numero cum illo in comparationem venire potuissent.

In saeculo cæperat, ut dictum, exercere se in ista virtute, sed mundo egrediens dedit singularia indicia, quod secum eam portasset omnino radicata, quam huc usque in alieno solo aluisset; sed volebat transplantare in terram bonam, & optimam, ubi fructum centesimum proferret. Atque ita paulo antequam se Religioni traderet, cum adhuc

huc esset Sacerdos sacerularis, & vacaret exercitiis spiritualibus in Noviciatu Genuensi, præter multas humiliaciones quas faciebat, uno mane induit vestem ex tela subrufa, quam subinde assumunt Novitii ex mortificatione, & Fratres Coadjutores in servilibus functionibus operum gravioris laboris; & cum illa posuit se pronum in terram in ingressu portæ, qua triclinium subitur, ad similitudinem cadaveris; unde factum, quod omnes accedentes ad mensam, per illum transirent, tamquam rem nihili, & dignam pedibus calcantium proteri. Cum omnes intrassent, & composuissent se ad accumbendum; erexit se in pedes ipse, & ingressus abiecit se in genua in medio cænaculi; dixit suam culpam, non minori sensu aliorum, quam suo, de suis multis & grandibus erratis in genere; & in particulari de libris à se compostis scatentibus vanitate noxia, & contraria modestiæ Christianæ; deque scandalo per ipsos orbi dato: & propoenitentia comedit in medio refectorii ad parvam mensam, præparatam ad assi-

assidendum nostris Fratribus in pœnam,
velex devotione; & instructam frustis
panis obsoleti, ut inter nos moris Non
permisit mutari quidquam, nec ut pa-
nis recens, & integer apponetur, sed
illis pastus est fragmentis, & solis edu-
liis communibus se refecit. Cui scenæ
humilitatis licet voluerit interesse om-
nes nostros Religiosos Novitiatus, &
insuper suum generum D. Alexandrum
Iustiniani; potuit tamen censi^ri actio
privata intuitu ejus, quam in detesta-
tionem illorum leviculorum & minis
petulantium, ac effrenatorum ingenii
partuum publice fecerat; de qua jam
ante meminimus; & non destitit ali-
quanto post tempore deinde facere,
concionando coram frequentissimo
auditorio, & retractando suam illam
libertatem sacerdalem; deprecando ve-
niam de malo & perniciose exemplo à
se dato, & damno spirituali lectoribus
illato; obtestando omnes, ut quotquot
ex illis opusculis quidquam penes se
haberent, ea vel lacerarent, vel con-
cremarent; ad quod obligabat quan-
tum poterat cunctos in conscientia;

num.

numquam denique finem faciendo do-
lendi & damnandi, & accusandi seip-
sum eo ex capite, usque eō, ut in pri-
ma quadragesima, quam Religiosus
dixit Genuæ, non veritus fuerit pro-
nuntiare, quod satius comparere de-
buisset in theatro, quid nomen gerit
Sancti Dominici, ad ejurandam suam
nequitiam & perversitatem, quam sta-
re in pulpite Ecclesiastico ad prædi-
candam Sanctitatem.

Porro ut revertamur ad ejus Novi-
tatum, in illo, utpote palestra & scho-
la humilitatis, progressus est assidue se
perficiendo continuis exercitiis humili-
lationis; in quibus tantum profecit,
ut teste suo Magistro Instructore om-
nium esset tyronum humillimus. Non
ostendit umquam difficultatem in ali-
quo genere functionum servilium, &
sordidarum; in verrendo, lavando,
serviendo in culina, in mortificationi-
bus publicis: etenim non contentus
ire aliquoties mendicatum per civita-
tem, sicut alii, iis in vicis quā ordina-
tie mittuntur: importune institit ut li-
ceret sibi ire cum mantica in humeris

M

pe-

petendæ stipis gratia ad publicam porticum Albari, locum in quem magna pars Nobilitatis Genuensis convenire solet ad conversationem; sicut etiam ad genio indulgendum post prandium sumptum, concedit in villas circumjacentes, quarum deliciis pro more habet, per æstatem, interpolare, & lenire civilium negotiorum molestias & labores. Eò etiam non erubuit pergere, & invenit ibi non paucos è suis propinquis & amicis, forte cum majori illorum mortificatione quam sua. Non quæsivit umquam intuitu suæ ætatis eximi à rebus certis, quæ Novitiis juvenibus communes sunt. Ibat cum illicis in processione ad civitatem, & quando habebatur concio in nostra Ecclesia, & illi sedebant demissè in gradibus Altaris majoris; jungebat se in eorum serie, & sedebat infimus, homo id ætatis, & saepè saepius visus in civili gubernatione spectabilis, & è sacro sugestu avidissime auditus. Insignis æmulator S. P. Ignatii, cuius Sanctitatem cepit Deus manifestare Barcinone, quando in concione inter pueros sedebat

bat in infimo gradu Altaris. Si in P. Antonio Iulio non apparuerint radii visibles caput coronantes: nihilominus sedens inter illos juvenes Novitios Novitius, tam maturus, spirabat ex humillimo vultu aspectum tam devotum, & bene observatum, ac in admirationem rapientem unumquemque, qui eum noverat; ut omnium oculi essent in eum conjecti, tamquam in obiectum miraculi singularis. Iam dubium oritur, & quæri potest utrum humilitas major sit quæ publico exposita est an exercita in occulto? Ut cumque hoc se habeat: certum est humilitatem, qua P. Antonius Iulius pollebat, in utramque partem se probasse. Videntis Magister ejus tam expeditum ad omnia officia humilitatis, statuit eum tentare repulsâ, & humiliare, vituperando & reprobando ejus humiliations. Præcepit quidem ut serviret coquo, consuetum Novitiis humilitatis experimentum: sed unâ coquo dat in mandatis, ut de illo tam proiecto tyrone, periculum faciat humilitatis non usitatum. Vadit ergo Pater ad mini-

sterium sibi impositum, & offert se
Fratri ad obsequium: Hic ille ad pri-
mum conspectum finxit se mirari, &
recusavit illum admittere; dicens, se
stupere nec capere posse, quod Supe-
riores, à quibus expectaverat juvenem
habilem, fortē & expeditum ad ju-
vandum, mittant sibi senem inutilem,
qui nesciat quid faciat, nec sibi in re
quapiam usui esse possit. Nequaquam
se turbavit Pater ad casum hunc inopi-
natum, tantummodo studuit eum pla-
care inquiens: operam se daturum, ut
idoneum se præsteret, ad omne id, quod
volet imperare. Verumtamen alter
tanto magis præ se tulit ægro se animo
ferre, mitti ad se senem morosum &
molestum, magis factum ad labores
suos impediendos, & intricandos, quam
sublevandos. Scena erat bene appara-
ta, & actores exquisite partes suas age-
bant. Unus in petendo ut admittetur
ad probationem, alter in reiicien-
do, & in exhibendo tantum non Her-
culem furentem, aut implacabilem Io-
vem. Durum Patri merito videbatur,
non tam quod inutilis haberetur ab

eo,

eo, qui se Confessario utebatur; at quod minimum non experiretur, quid & quantum subsidii & opis adferre posset? Dirempta tandem lis, tantum dixit, tantum sollicitavit, tot precibus supplicavit, ut Frater ostenderit se cedere, qua supplicationibus, qua necessitati obediendi: & imposuit illi nescio quam rem futilem faciendam; ad quam Pater impigrè se tanto nisi applicavit, quanto umquam in functione Magistratus se commendaverat, ut aptiorem se modo probaret ad servendum, quam tum ad imperandum. Desideravit deinde scire Pater ille Magister Novitiorum, quem motum fecisset in animo P. Antonii Iulii inexpectata illa acceptio; & deprehendit non alium fuisse in eo sensum molestiae, nisi quod verè sibi persuaserit multum sibi deesse, quo par esset ad opitulandum Coquo. Atqui desiderio ardens proficiendi rogavit obnixe, ut in ista probatione sibi liceret aliquanto adhuc tempore perseverare. In quo cum exauditus esset, itabat quotidie ad culinam; eam ingressus illico prosternebat

se in genua ante imaginem Beatæ Virginis Deiparæ, ac recitabat Salutationem Angelicam, offerens illi suum illud opus quod ibi auspicaturus erat, & petens gratiam perfecte id implendi. Ac dein surgens quærebat à Coquo in quo operam suam collocari vellet? Qui secundum instructionem datam à Superiori, jubebat laboriosum quid aggredi, cui è vestigio se impendebat; vix orso præcipiebat ut desisteret; & Pater ipso facto desistebat: mandabat ut aliquid nullius momenti sibi sumeret perficiendum, & Pater se totum illi applicabat. Dictum illi fuit, ut festucam jacentem in medio culinæ tolleret; confessim se demisit in genua, ut eam elevaret. Aliquando asperè & ruditer in suo opere reprehendebat, ut strenue mortificaret, exprobrans illi quod esset homo nihili; & quod eum ejecturus esset è culina tanquam fungum: & Pater prout frater ille narravit, cum rubore in facie, & capite demisso, sine ulla commotione, aut signo perturbationis, sicut homo non audiens & non habens in ore suo redarguitio-

tionem , prosequebatur cum omni ac-
curatione imperata : & quando frater
absolverat sua improperia , ante illum
poplites flectebat , ut sibi condonari
flagitaret , semper retinens vultum tam
compositum , & serenum , ut proderet
humillimam devotionem , qua in tali-
bus circumstantiis operi incumbebat .
Oportebat eum bene profecisse , quan-
do nolebat æstimari actiones virtutum ,
nendum in splendore dignatum , & in
frequentia theatrorum , in quibus fue-
rat spectabilis ; sed etiam abditus in an-
gulo neglecto , expositus oculis solius
Dei , contentus esse spectaculum illis ,
placere divinæ suæ Majestati , qui pre-
tium virtutis tam præclaræ cerneret ,
& ponderaret , in eo qui fuerat non ita
pridem pro Senatore honoratus , & in
aulis Monarcharum pro prudentissimo
Oratore in veneratione habitus : hunc
inquam eo devenisse ut revereretur
correptiones unius Coci , crederet se in-
eptum ad ei serviendum , vim sibi infer-
ret ad se habilitandum , quo vel medio-
crem successum in eo ministerio tam
abiecto assequeretur : numquid profe-

Et o humilitas fuit stupenda? non solum
id facere intra se, & recipere ab aliis
omne genus humiliationis; sed insuper
eo attigisse, ut haberet de se opinio-
nem & judicium vilitatis, & despicien-
tiæ, adeoque reputaret se non solum
pro peccatore, & damnaret ob vitam,
quam ajebat se in saeculo perversam
duxisse, reprehenderetque multum præ-
terea defectus, in quos inadvertenter
incurrebat in Religione, quamvis le-
vissimos: sed quod magis ponderan-
dum est propter raritatem, sibi certo
persuaderet, se esse parvi judicii ho-
minem, æque inter concionandum
(ut postea meminero referre) quam in
omni alia operatione, in quibus profi-
tebatur sibi deesse prudentiam & mo-
derationem? Hanc temeritatem decla-
rabat multoties modo dicendi plane fa-
miliari, sine affectatione, & simili di-
centi verum; etiam dum Sacerdotem
saecularem ageret. Quibus si addidero
actiones ab eo editas illo tempore con-
temptus sui & mundi; sapientiæ huma-
næ videbuntur exorbitantiæ & stulti-
tiæ; illis tamen assequutus est, quod

cu-

cupiebat, quia ad eum altissimæ sapientiæ Christianæ gradum pertigit, quem Regulæ Societatis præscribunt: videlicet ut velit haberi pro homine judicii indigo, & æstimari fatuus à nonnullis, qui intime non penetrant ejus medullam, in verbis & actionibus sistentes. Certe uni è Societate evenit, qui cum alterius Ordinis Religioso erat in itinere, ut inter confabulandum mentio incideret de P. Antonio Julio. Hic de eo loquebatut tam abjecte, ut ostenderet se eum arbitrii hominem exiguicerebri, & adderet erroneo conceptu falsiorem probationem, asserens: Patrem olim petuisse admitti in suum Ordinem, sed quod sui Patres judicantes eum volatilis & instabilis mentis, remisissent candidatum ad illos, qui eum procarentur. Haud tamen dubium quin mundo patet fecerit, neminem esse profundioris sapientiæ, quam illi qui dicunt *nos stulti propter Christum*. Ex hac impressione quam alte imbibera se esse vitiosum, & indigere alterius directione, consilio, & correctione, oriebatur in eo

sincerissimum desiderium & cupiditas,
ut à quolibet admoneretur, & instrue-
retur. Quam hoc manifestum sit, con-
ficere facile est ex eo, quod cum in
Collegio Mediolanensi, syllabum suo-
rum defectuum, quos notaverat, tra-
didisset, ut de iis publice in Refectorio
corriperetur, pro introductione præ-
fixerit hæc verba: *Cum non sint defe-
ctus infrascripti, nisi minima & levissima
pars meorum erratorum, propterea quod
cæcitas amoris proprii, qua labore, passa
non est me plura cognoscere, obtestor per
viscera misericordia Domini Dei nostri,*
*quemlibet ex Fratribus, & quemlibet ex
Fratribus, ut vel publice vel privatim mi-
hi (prout satius judicaverint) indicent om-
nes alios meos defectus, quos habeo; aut
cognitos per se, aut intellectos ab aliis;
etenim non sumam hoc in malam partem,
sed summi beneficii loco habebo. Conscien-
tiam uniuscujusque compello, quà possum, ad
hoc officium mihi præstandum; ut inde pa-
teat sincerus ardor meæ voluntatis. Neque
dumtaxat in ista publica protestatione
ab omnibus, sed à quocumque pote-
rat, accipiebat grato animo charitatem*

ea.

earum admonitionum, & pro viribus
urgebat, ut sibi impenderentur. Patri
cuidam sibi amico scripsit in hæc ver-
ba. *Sue charitati det impetum, ut mihi
suggerat, quando ad me scribit, aliquod
lumen salutare in ordine ad meam emen-
dationem, & profectum in Spiritu: quia
quantumvis in libris multa inveniam, non
crederes quanto majorem efficaciam habeant
in me, tractus manus, quos exarat amicus
verus, vivus, & domesticus.* Quia tamen
sunt aliqui qui petunt errorum suorum
commonefieri, & dicunt hoc sibi pla-
citum: at quando monentur, sen-
tiunt & perturbantur. Indicio manife-
sto quod ista petitio sit velamentum
tacitum vane spei, quod inde magis
sint laudandi, quam arguendi: aut
oriatur ex quodam desiderio corrigen-
di suas labes languidè, & ad speciem
tantum. Nemo opinetur hac fuligine
aspersum fuisse P. Antonium Iulum,
ejus postulationes fuerunt sinceræ, de-
liberatae, & fundatae in credulitate,
habere se defectus multos occultos.
Quod videre erat dum reprehendere-
tur, de culpis quibusdam etiam inad-

ver-

vertenter commissis ; ex gaudio quo perfundebatur , & professione singula-
ris erga monentem obligationis. Cum scriptum illi esset ab amico nclcio quo,
respondit, ut sequitur ; *O quam mihi ca-
ra fuit Epistola R. V. Visa fuit stillare ne-
tar & ambrosiam ut poetice loquar : quia
inde conficio, quam cordato affectu erga me
utatur : siquidem quod nomine libertatis,
sed revera sincerissima Amicitiae fiducia me
moneat, quam gratum mihi fuerit, diffi-
cile est exprimere. Attulit mihi sane lu-
men tam efficax, tam clarum, tam suave,
ut multæ perturbationes, quarum agita-
tione imperfectum meum & pusillum, licet
nullius ponderis essent, ita in animo meo
fuit quassatum, & in diversa distractum,
ut ad tranquillitatem redire nequiverit.
Loquar candide : verba tua mihi sapue-
runt, & fuerunt signum liquidissimæ cha-
ritatis. Magis liquide hoc admonitionis
sibi faciendæ desiderium exposuit ex
occasione, quod discedenti Mediola-
no, nonnemo eum certiorem fecerat,
observari in illo, nescio quem vel ge-
stum vel actum in sacro dicendo minus
decorum, ortum fortasse ex devotio-
ne*

ne plus animosa , quam bene ordinata:
verum cum esset hoc dictum in genere,
& quasi per transennam , Pater qui-
dam quicum illi magna intercedebat
consuetudo , censuit disertius hoc illi
explanandum , maxime quando illi ce-
lebrandum esset foris extra Ecclesiam
nostram , quo , ad concionandum , erat
illi eundum. Per epistolam ergo illum
monere non est veritus ; cui P. Anto-
nius Julius rescripsit. *Etsi Epistola R. V.*
sit responsoria ad meas , nihilominus quia
continet gemmam pro me tam pretiosam ,
adactum me video ut cordatissimas gratias
agam. P. Rector insinuavit mihi quid si-
mile , sed obscure , & per modum figura-
te loquutionis ; habuerit sine dubio debitam
opinionem exiguae meae virtutis , & fortasse
timuit , ne sensum incuteret ; ideoque ser-
vivit mihi patinis , ut vulgo dicitur coo-
pertis. Sed R. V. Pater mi amantissime no-
verat non esse ita ; adeoque si ad quoslibet
defectus quos in me animadverterit , me
corripuerit ; profitebor me obstrictissimum ,
nec ullum amicum habere in mundo fidelio-
rem R. V. quacumque demum via , sibi in-
notuerit quidpiam , quod judicet posse con-
ducere

ducere ad utilitatem spiritualem misella
animæ meæ , utcumque acerbum accidere
possit sensualitati meæ , quæso te , ne me
celaveris. Tantopere desiderium cog-
noscendi suas imperfectiones , eum sti-
mulabat.

Cæterum quando vel alterius repre-
hensione , vel propria reflexione , re-
cordabatur , aut etiam sibi videbatur
se deliquisse , nunquam fuit auditus
nævos suos velare , aut prætexere *ex-
cuses in peccatis* , quod tamen om-
nibus naturale est : sed contra illud vi-
tium erat optime præmunitus , valido
proposito notato inter primæ notæ ,
quæ cordi sumpserat ; hisce verbis.
*Numquam me excusare , & illud notare , &
ex amore IESU mei observare.* Unde mon-
strabat summam tristitiam de quolibet
defectu , in quem lapsus fuisset , &
profunde se ad illum humiliabat. Ac-
cidit dum exerceretur in Novitiatu ,
discurrisse illum paulo vehementius in
communi cum aliis colloquio , quod
recreationis vocant ; post paucas horas
P. Rector casu illi occurrens , ei dixit:
P. Antoni Iuli , habes sonoram vocem.

Su-

Subodoratus est statim quo illud monitum spectaret, & provolutus in genua dixit: Pater, sum, fateor, inconcinnus & absurdus. Responsum profecto egregiae humilitatis & per se, & ob personæ conditionem, & ob casum inopinatum. Videbitur nihilominus fortasse res parvi momenti, eo quod inter Religiosos hoc sit familiare, præsertim in Novitiatu. Igitur majoris erunt ponderis, alia indicia humilitatis, in quibus semper magis ac magis proficiebat. Fuit quando diceret, se non potuisse frui recreatione in Villa, ob poenitudinem verbi, quod imprudenter sibi exciderat; & arbitrabatur ejusmodi, ut posset alteri umbram displicentiæ adferre. Cum per inadvertentiam aliquantum adussisset linteum quodpiam in Collegio Mediolanensi: detulit ad Fratrem qui lineæ supellestilis curam habebat, & ante illum prostratus in genua, culpam suam agnoscit, & postulavit ut se fustigaret, dicebat enim se verbera mereri.

Romæ absolutis Quadragesimæ concionibus abiecit se ad pedes Fratris, qui
fue-

fuerat eum comitatus ; precatus est
veniam mālæ suæ ædificationis, quam
aiebat multitudine defectuum se illi
dedisse; nec voluit se erigere , ante-
quam Frater diceret se illi ignoscere.
Genuæ cum ex domo Professa festo B.
Aloysii Gonzagæ ivisset ad Collegium,
fuit usque ad occasum solis detentus
ab illis Parribus , qui ejus religiosa con-
versatione rapiebantur. Dumque illi
eum deducerent abeuntem usque ad
portam Collegii , invenit ibi Coadju-
torem sibi socium , qui vel ex tædio,
quod tam diu eum præstolari debui-
set, vel ob festinum opus, quod domi
faciendum habebat sivit, se patientia
abripi , ex sensu tam longæ expectatio-
nis , verbis satis acerbis & mordacibus
compellans eum indiscretum. Quid ad
hæc Pater? Ne minimum quidem se
turbavit hæc audiens in præsentia alio-
rum obiici à sibi inferiore ; sed agnosc-
ens se culpabilem , Frater , inquit, da
mihi hanc gratiam ut condones mihi
hanc indiscretionem : neque hæc fatus
est ut carperet ironica confessione er-
roris exprobrati : sed demonstratione
seriæ

seriæ consuetudinis, & benevolæ humilitatis, impigræ exercens documentum illud Sapientis: *Quanto magnus es, humilia te in omnibus, & coram Deo invenies gratiam.* Non solum Deo reddidit se amabilem P. Antonius se humiliando, sed etiam hominibus, coram quibus quanto plus se dimittebat, tanto pluris eum æstimabant, & cum admiratione virtutes ejus deprædabant: quemadmodum contigit in uno Fratre Domus Professæ Mediolanensis, dum Pater isthic concionibus esset occupatus. Visebat infirmum & animadvertisit in quodam genere edulii non optime illi provisum, secundum necessitatem, & morem charitatis Religiosæ: ut erat teneri affectus erga morbis afflictos, non potuit se cohíbere, qui in egressu cubiculi obvius advenienti Infirmario diceret precatoriis verbis; studere niteretur obire suum officium ea diligentia, quam requireret charitas, & meritum quod apud Deum assequi posset. Hæc amica denuntiatio, per id tempus cecidit in terram non multum comparatam ut face-

N

ret

ret fructum. Unde Patri ita respondit, ut ostenderet sibi parum gratam hanc suam sollicitudinem, & ingressus cubiculum ægroti, erupit in quandam excandescientiam dicens: non incumbere Patri eum admonere. Parum illum scire quantum habeat operæ unus Infirmarius. Eum assuetum fuisse in saeculo pro sua commoditate serviri; & cum vix venisset ad religionem adhuc tyro, Zelum sibi sumere ad stimulandum eos ad opus, qui tota vita labo-rassent. Interea Pater contulerat se ad cubiculum suum, quod contiguum erat ipsi infirmi valetudinario, adeo ut ex uno in aliud esset transitus per simplex ostium, quod tum erat occlusum; proinde illa & alia, quæ à Fratre illo sonora satis voce erant prolata, perceptu facilia erant Patri, & potuissent alteri parere indignationem: verum ille ita fuit compunctus, ut in se redeunti visum fuerit, Fratrem querendi justam habere rationem, seque male fecisse eum conturbando. Egressus ergo cubiculo præstolatus est in ambulacro, foras ab ægro prodeuntem,

quem

quem ubi præsto habuit in loco illo
propatulo, flexis genibus rogavit, con-
donari sibi culpam, quod molestus ei
fuisset: & addidit merito illum dixisse
se senem inutilem venisse ad religio-
nem: id enim esse verissimum, uti &
carere discretione, & compassione
erga alios: imperitum quoque se loqui
ut oportet. Oraret Deum pro se. Fra-
ter erubuit ad illum actum, nec habuit
quod responderet, sed jussit surgere &
abire, scitè eruditus tam singulari &
salutari documento. Concionatoris par-
tes agens in domo Professa Mediola-
nensi, ordinarie dicebat sacrum non
pro commodo suo, sed templi; & ad
beneplacitum Æditui. Quodam mane,
quo pro invaletudine debebat sumere
nescio quam medicinam, petiit cele-
brare aliquanto citius; Sacrista autem
voluit diceret serius, quod fortasse ita
ordinem aliarum missarum difficulter
posset immutare: Pater cum omni mo-
destia ei dixit: quæso te compatere
magis misello Concionatori; atque hoc
dicto abiit: sed paulo post reflectens ad
illam exilem speciem impatientiæ, &

existimans se verbis illis deliquisse,
quasi saperent vel jactantiam, vel iram;
rediit in Sacristiam & genuflexus ante
Sacristanum, petiit veniam de reni-
tentia in obediendo, precatusque est
sui nullam haberet rationem, nec plus
sibi deferret quam bestiæ, qualem aje-
bat se esse. Quin imo non voluit sele-
vare prius, quam Sacristanus ostende-
ret sibi factum satis. Preclara sunt hæc
humiliationis specimina; sed magis mi-
randum, & fortasse non imitabile,
quod eo narratum; & exhibuit perso-
næ prorsus abiectæ. Veniebat Pater
Româ ut iret Senam ad concionandum
per æstatem, & ob virium debilitatem
ab obedientia jussus erat deferri ledi-
ca. Mulio partim ob malignitatem
viæ, partim ob incultos mores, qui-
bus id genus rude hominum assuevit,
ad singula momenta excandescebat,
& emovebat iram, nunc Deum blas-
phemans, nunc Patrem diris devovens;
quem, ut dicebat, experiretur suo-
rum incommodorum parcum æstima-
torem; utpote cuius causa tantum la-
boris & molestiarum exauriret. Ali-
quanto

quanto temporis spatio id tulerat Pater , & nequidquam corripuerat : cum tandem ex aliquo ardore dixit. Quæ hæc impudentia ? si alio modo me gestare renuas in aliam lecticam me recipiam, nec deinceps opera tua utar. Hæc dixerat , nec amplius : at vix verba hæc siverat elabi ex ore , mansuetus ille David percussit pectus suum : ob tam levem acrimoniam, usitatam non contra regium paludamentum , sed contra petulantiam tam fordidi , & contemptibilis hominis , statuit se castigare ; paulo postquam diversorum subiverant , vadit eum quæsitum , inventus garrientem inter suæ sortis scurras , abiicit se ad ejus pedes , vult eos osculari , petit sibi ignosci , quod importune , inquietabat ; eum arguisset , quando compati debuisset. Quo stupore illius gentis inconditæ , facinus hoc insolitum acceptum fuerit , non attinet dicere. Mulio mutatus in alium virum postea se emendavit , paruit ad omnia , quæ Pater voluit , & eum in omni veneratione habuit : cumque Se-nam advenisset , accessit ad Collegium,

& quæsivit, quis esset iste Pater Sanctus? atque ibi, nec non reversus Romanam, retulit nostris memorabile illud exemplum humilitatis.

Non minor fortasse fuit modestia, qua tulit aliam mortificationem tanto majorem, quanto digniores erant personæ, in quarum præsentia eam passus est. Cum deberet approbari ad audiendas **Confessiones**, Examinatores tractarunt eum rigidius, quam mens Prælati ferebat. Pater moleste non tulit; sed aliis dolentibus & compatientibus respondit: illos laudabiliter functionos officio, sibique gratiam fecisse, usque erga se urbanitate; interrogasse enim ad minimum decem casus diversos, se autem facile in quinque errasse. Proinde in rigore non debuisse illum censeri dignum, qui confessionibus audiendis adhiberetur; ad quas tamen admiserant se cum plena approbatione. Præterea cum in examine quæstiones proposuissent Latine, & ipse per inadvertitiam respondendo in vulgari lingua eos aliquantum offendisset. Dixerunt: responde *Latine.*

Sta;

Statim paruit, & quod vernaculo sermone usus fuisset excusavit, causatus non in advententiam, sed quod senex ingressus Religionem non multum latinitatis sibi comparare potuisset; licet reapse, excusationem everterit: perrexit enim expedite Latine respondere, etiam cum elegantia. Ita gaudebat haberi ignorans, coercendo illum à se tam formidatum appetitum ostentandi se litteratum.

Dum esset Novitus, & legeret ad mensam, sæpen numero de industria errores committebat. Dissimulanter pronuntiabat syllabas natura sua longas, ut breves; & contra: & quandoque legebat periodos tam indistincte, ut videretur non capere sensum. Adhæc in publicis concionibus crebro fatebatur tenuitatem, & lapsus memoriæ suæ parum habilis: idque modo dicendi tam sincero, ut credibile videretur. Multo magis privatim id affectabat: agens enim cum externis sæcularibus, nunquam dabat specimen doctrinæ, ea se pollere, aut quandoque excelluisse, quasi nunquam libros versasset, aut

calamos tractasset. Amabat præ se ferre quamdam ignorantiam, ut videtur subdinde idiota, qui imperitus esset omnium, nec sciret aliquid vel litterarum, vel Mundi, vel perfectionis; imo quandoque ne quatuor quidem verba proferre: quod correxerunt in eo non nulli Superiores, quando desiderabant, ut quidam viri nobiles ex ejus commercio evaderent Deo & virtuti addicti. Præcipiebant, ut ageret cum illis tam dextrè, quam posset: tum enimvero faciebat id tanta cum gratia, ut animos lucraretur cunctorum. Sicuti fecit nominatim cum Domino Marchione Paulo Torriano, qui fuit Heros magnarum partium, capacitas, auctoritatis, & ingenii in fastigiis honorum sæcularium: sed multo magis spectatus ob generositatem, qua Deo donavit in Societate filium suum unicum, in quo familiæ spes definiebat. Eo privatus omnibus omne solatium suum collocavit in consuetudine & necessitudine contrahenda & conservanda cum nostris Religiosis, quorum commercio mirifice delectabatur.

Desi-

Desideravit is sibi copiam fieri colloquendi cum P. Antonio Julio sibi de fama noto. Qui cum in primo congressu, cum aſumpta illa ſiccitate illum accepifſet, non respondit Marchionis expectationi: ſed poſtea præventus Superioris præmonitione, converſatus eſt cum illo tam ingenioſe, ſoliter, & ſapidè, ut illum ſumme ſibi & Deo conciliaverit, cum notabili profectu in virtute, illius boni Domini, quicunq; deinde magnum commer- cium, amicitiæ exercuit & præſens, & abſens, ut videre fuit in amica men- tione, quam Pater in variis ſuis litte- ris de illo facit. Eumdem ſuccesſum ha- buit cum Excellentissimo Domino Marchione de Pianezza exploratore magnarum virtutum, non ſolum ob do-ctrinam, prudentiam, sagacitatem, & mentis præstantiam omnibus perspi- cuam, & in pretio habitam apud Du-ces Sabaudiæ; ſed etiam ob exercitatio- nem virtutum magiſheroicarum in ta- li viro principe prorsus admirabilium. In hujus benevolentiam tentavit ſe in- ſinuare P. Antonius Julius, cum larva

N 5

bujus

hujus apparentis simplicitatis, quod humanissimum nobilem non terruit. Agente illo singulari cum humanitate & confidentia, Pater mutua officia reddidit, unde tam arctum amicitiae vinculum ex spiritualium rerum reciproca inter illos dissertatione, inter eos coaluit, ut Marchio illud perpetuum esse voluerit, & Pater vicissim frequentissimis, & affectuosissimis litteris semper aluerit.

Sed resumamus sensa P. Antonii Iulii in materia humilitatis. Non erat illi satis reprehendi, quin imo ambiebat reprehendi de culpa, ubi culpa non erat. Proprietas, quam Divus Gregorius tribuit animabus selectis: Atqui supergrediens istos terminos, inveniebat quod reprehenderetur etiam in rebus, ex quibus laudem merebatur. Supra spectatum est, quanta humilitate simul ac charitate se accommodaret in vacationibus, ad religiosas recreaciones Iuvenum Scholasticorum condiendas, vitam illis addens suis facetiis & leporibus dignis admiratione, cum communione omnium ædificatione. Nihilominus

nus in actione tantæ virtutis , quam
Græci εὐτραπελίαν vocant, invenit quod
displiceret , & in se reprehenderet.
Nam in charta , quam postea dedit
ut publice corriperetur , posuit hæc
verba : *Dedi malum exemplum , & turpe*
scandalum modo meo agendi , maxime in
recreationibus vacationum , in quibus secta-
tus sum vanam , insulsam , vilem , & in-
dignam complacentiam in exhilaranda com-
munitate , & monstrando me dextrum , &
peritum in ea oblectanda. Sunt demissiones ,
quas commisi nimia levitatis , indecentes
personæ proiectæ , religiosæ , & Sacerdoti.
Supplico omnibus qui interfuerunt ut con-
donent mihi defectum malæ ædificationis ,
& caveant sedulo me umquam imitari in
malis exemplis que ex me scaturientia , to-
to animo aversor & detestor. Quis non
dixisset auditus his verbis , eum mul-
tum exorbitasse contra decorum reli-
giosi status ? & tamen secundum sen-
tentiam optimorum religiosorum ,
quotquot fuerant præsentes à mode-
stia probati , erant actiones laude &
commendatione dignissimæ ; & quas
appellabat levitates indecentes , pote-
rant

rant aliquæ ex illis censeri , argutiæ ingenii , concionum simulachra , exercitia linguarum , & similes actiones alienissimæ ab omni indecentia , & prorsus licitæ ad finem moderatæ relaxationis , usitatæ à viris Sanctis ; & in eo non condonandæ , ut ipse volebat , quasi mali exempli ; sed admirationem meritæ instar actuum consultissimæ & decentissimæ charitatis . Dici tamen non potest , utrum illi non fuerit suspecta sua intentio , aut perinde ac Iob timuerit omnia opera sua , & voluerit uti suo timore , & eorum credulitate , qui non adfuerant , ut posset sibi acquirere notam imprudentiæ , & frumentum humiliationis . Unde merebatur in illo particulariter id argui , cum virtutperio illo ironico , quo quidam Provincialis Lusitaniæ prædicabat laudes P. Hieronymi Natalis , dicens : eum esse magnum murmuratorem , quia semper de se ipso mala proferebat , eo usque , ut obligari videretur ad suæ restitucionem famæ . Et merito , si quidem vitia , quæ sibi affricabat , portabant apud eum , qui virum non nosset , mul-

multum illum infamare, & vituperabilem reddere. Non tantum poterat P. Antonius obstringi sibi ad restitutio-
nem famæ , sed etiam honoris , tot
erant nomina probrofa vituperii, qui-
bus se deturpabat; nominabat se per-
ipsema, bestiam, jumentum mortuum,
& foetidum , & his pejora , quæ hic
non exprimuntur, quia veretur cala-
mus prodere excessus humiliis linguæ,
non usurpatos ex cæremonia spirituali,
aut affectatione , sed suggestos ex affe-
ctu illo , quo mens & cor plena erant,
ut nihil ingenii inventionibus relin-
queretur.

Quadam vice exiens petitum eleë-
mosynas cum mantica mendicatoria
in humero , una cum socio Novitio op-
pidò juvene, oneratus furfuribus, dixit
per jocum comiti : Tibi ut comptiori
datæ sunt merces elegantiores; mihi,
qui sum animal brutum, dederunt quod
in me quadrabat, elëemosynam ex fur-
furibus. Subinde solebat se indigetare
ferrum vilissimum , sed cupidum semel
totum candescere , igne amoris divini:
conceptus , qui potest illi condonari ,
quia

quia revera hoc illi evenit : hausto enim
semel illo Sancto igne in corde ejus,
materia forti & constante , formatum
est vas omnium virtutum consumma-
tissimum.

Quando jam eo sagacitatis devene-
rat, ut discernere posset, an defectus
sui morales haberent proprius aliquam
speciem virtutis ; incepit indagare an
nihil vitii naturalis sibi adhæreret, cu-
jus intuitu vituperio exponi posset? Ex
natura non erat tam politus & accura-
tus in rebus suis extimis : res proclivis
iis, qui multum intra se occupantur.
Unde partim ex innata propensione,
partim quia erat assuetus curam earum
rerum relinquere illi, qui sibi serviebat;
apparebat non ita nitidus, & composi-
tus in suo cubiculo , vestitu , & simili-
bus, quæ in usu sunt quotidiano. De
hac incuria læpe audiebatur se accusa-
re publice, & privatim verbis, quæ pro-
derent magnum hujus imperfectionis
sensem , quasi in eo magna culpa la-
teret; donec tandem ex lumine cælitus
illapso , cœpit habere quandam cupi-
ditatem apprendi vivil & defectuosus:

facta

facta enim reflexione, dubium illi subiit, an qui videbantur in se defectus, essent actus virtutis. Atque ideo verrere cubiculum, efferre sordes, & ejusmodi alias atque alias actiones assumere, quæ habentur viles; differebat facere in tempus, quo cerneretur à nostris & saecularibus. Alias faciebat quæ videbantur paulum diversæ ab usu communni: Benedicebat quandoque mensæ legendi in suo diurnali, portabat in sinu clepsydram arenariam, quando publice concionandum illi erat in Ecclesia; metiebatur ad illam in conspectu omnium suas preces & actiones. Gestabat secum libros visibiles, & volumina manuscripta in templum, & alia loca exposita; ut se occuparet interim non inutiliter, quo expectandum erat. Hæc & similia actitabat, quæ non nullis videri possent quidpiam singularitatis sapere: & suasus iis abstinere, parum admodum se emendavit. Cave tamen hoc vitio vertas, & tribuas incuriæ, quasi flocci faceret aliena consilia, aut monita, quæ tantopere ambiebat, & aestimabat; vel languori voluntatis in se

se emendando : cum in emendatione
aliarum rerum fuerit generosissimus &
summè deliberatus : vel inadverten-
tiæ, ut quidam opinabantur, quia fuit
deprehensus in se advertere , & nota-
re res minimas observantiæ , & studio-
se in ea intendere, quæ videbantur ei
casu excidere : superest ergo ut dicatur
illud, quod quidam postliminio sapien-
ter judicarunt, ultra exercitium alia-
rum virtutum , quibus velificabantur
tales actiones, pullulasse hæc ex occul-
ta radice summi affectus erga humili-
tatem , & ex cupiditate videndi se an-
nihilatum & redargutum : quæ quo-
do alte est in corde Sanctorum planta-
ta , semper parit actiones , quæ pri-
mo aspectu habent quid reprehensibile
& singulare.

Verum enim vero quantum quære-
bat reprehendi & carpi, tantum sem-
per admitebatur alios laudare , & bene
loqui de iis cum affectu , & signis sin-
ceræ lætitiae , procul ab omni fictione
& simulatione. Atque ita ex pretio, in
quo aliquos habebat , excurrebat in
tantas eorum laudes ; ut , nisi provenif-
fent

sent ex sinceritate cordis vere humilis,
potuissent videri excessus blandientis
immodicè adulatio[n]is: equidem con-
tigit eum non formidasse nominare
in pulpito , cum insigni commenda-
tione personas quidem laude dig-
nas, attamen adhuc viventes. Si quis-
quam ederet quodpiam indicium in-
genii , talenti , aut probitatis , quod
alteri non videbatur nisi vulgare , &
ordinarium : Ejus judicio erat tanto
illustrius, quanto ipse de se præ aliis
abiecius sentiebat. Hinc fuit aliquo-
ties auditus multum deprædicasse res
in aliis non animadversas, aut laudari
insuetas. Nec solum encomia stem se-
faciebat aliorum ex proprio sensu, sed
alia industria utebatur humilitatis si-
mul & charitatis. Si persenticeret ,
quod quandoque bene loquebatur co-
ram quopiam , cui non optime conve-
niebat cum persona laudata : significa-
bat prudenter in quam bona opinione
effet apud alium , eo utens artificio ,
ad majorem inter illos duos affectum
conciliandum dilectionis, & conjunc-
tionis: & ut demonstraret, quanti

O am-

ambos faceret. Hoc exercitium cordi habebat in primis, quo semper esset in opere edomandi tantopere ab eo formidatam & continenter oppugnatam, demumque debellatam passionem desiderii, quo concupisceret in quapiam re præcellere aliis, & dignus præconio videri.

Nec solum verbis, sed insuper in omni modo operandi, & conversandi, volebat videri, qualem se judicabat; id est postremum omnium; quia agebat cum unoquoque, et si ætate & conditione illo inferior esset, summo cum respectu & veneratione, perinde ac si illi deberet primas deferre. Neque tantum cedebat locum omnibus, eo se habendi modo, ut appareret esse reverentiam non cæremoniā: sed sibi præripiebat semper deterrium & ultimum, cum certa quadam animi libertate, quasi hoc absolutè ita fieri oporteret; etiam in casu, quo peregrè adveniens hospes esset, aut Concinator. Idque moris habebat facere tanta cum resolutione, ut vix reperiatur quispiam, quamvis inferior, qui aude-

audieret cum illo contendere. Quod si quandoque illi obveniret contentio ex conflictu humilitatis, quæ unicè est laudabilis inter Religiosos; non fatiscerbat animo, nec deserebat, quantum posset, suam defensionem. Ita grata fuit concertatio, quæ illi evenit Alexandriæ, quando illâc transibat, ut pergeret ultima vice Genuam, cum Patre, qui eum comitabatur per viam; à quo cum non potuisse obtinere, ut occuparet primum locum lectoriae, qua Superiores ob debilitatem, qua laborabat mittendum putarant; cogitavit sibi prævalendum interventu majoris auctoritatis, & prius quam atrio excederet, traxit P. Rectorem seorsim, quasi haberet quid gravioris momenti in aurem ei insuffrandum, & omnibus ingenii sui viribus usus est, ut litem suam evinceret, adductis milie rationibus, & precibus, ut præcipiteret Socio Patri, ex intuitu quod esset se senior professione Religionis, federet in loco honoratori. Negotiatione hæc non fuit tam occulta, quin in vultu se proderet, & ex modo agendi

demisso circumstantibus , quibus hoc probatum fuit ; & socio , si non ob aliam causam , saltem ob charitatis meritum imperatum est , ut obsequeretur , ne cum afflictione P. Antonius lulius iter ingrederetur . Ita consolatus in viam se dedit . In hac , & in omni alia occasione , visus est assidue se gerere , tanta cum submissione , & contractione , quantam posset præfeterre pauper & inops mendicabulum , in domum de gratia admissum Semper monstrabat in moribus & vestibus , tam modestum & humile de se judicium , quam poterat , in gestibus & compositione corporis atque in modo agendi ; adeo ut qui eum sibi familiarem habuissent in sæculari vita , vix eum cognoscerent , & in sumمام tantæ mutationis admirationem raperentur . Hoc usu venit Excellentissimo Domino Comiti Galeatio Trotti , Præfecto militiæ generali suæ Majestatis Catholicæ , in statu Mediolanensi , cui Pater probe notus fuerat , & ex usu , & consuetudine probatus , quando fungebatur officio Legati Reipublicæ in aula Bis-

pa.

panica. Cum essent ambo Alexandriæ in patria Comitis, consultum censuit Superior, ut eum Pater honoris gratia iret salutatum. Ivit, & prudens ille Princeps contemplatus tam humilem, modestum & cum aspectu tam diverso ab antiquo, totum compositum, & spirantem auram vitæ prorsus religiosæ, (ut retulit Pater, qui erat illi socius) postquam illum benigne accepisset, jussissetque sedere, totus in tenuitudinem abiit, & ex motu intimo lacrymas continere non potuit, ac dixit; quod ei sanctam illam sortem sancte invideret. Ita comparuit non vilis ut ambiverat, sed pretiosus, & venerabilis ob ornamentum non affectatæ, at sinceræ humilitatis.

C A P V T I X.

Humilitas P. Antonii Iulii exercita in munere concionandi.

VIta religiosa P. Antonii Iulii fuit quasi tota impensa Ministerio Evangelicæ prædicationis. Etenim ex-

O 3 tra-